



Na osnovu IV.B. Ustava Federacije Bosne i Hercegovine, *donosim*

ODLUKU

**o kriterijima, načinu i postupku raspodjele sredstava
„Tekući transferi drugim nivoima vlasti i fondovima“ za 2025. godinu**

I. OSNOVNE ODREDBE

Član 1. (Predmet)

Ovom odlukom utvrđuju se kriteriji, uslovi i način raspodjele sredstava „Tekući transferi drugim nivoima vlasti i fondovima“ odobrenih u Budžetu Federacije Bosne i Hercegovine za 2025. godinu i Zakonu o izvršenju Budžeta Federacije Bosne i Hercegovine za 2025. godinu („Službene novine Federacije BiH“, broj: 7/25, od 31.01.2025. godine) na poziciji Kabineta potpredsjednika Federacije BiH, razdjel 11, glava 1102, pozicija tekući transferi u iznosu od 35.000,00 KM.

Član 2. (Korisnici sredstava)

Pravo na dodjelu sredstava iz člana 1. ove Odluke imaju drugi nivoi vlasti u Bosni i Hercegovini (Federacija BiH i Republika Srpska) kao i javne ustanove kojima je osnivač Kanton ili Općina. Pod nižim organima vlasti iz stava 1. ovog člana podrazumijeva se: Kanton, Općina, Mjesna zajednica.

Član 3. (Predmet finansiranja)

Odobrovanje sredstava „Tekući transferi drugim nivoima vlasti i fondovima“ za 2025. godinu, vršit će se kao:

- materijalna podrška projektima vezanim za oblast zdravstva, kulture, sporta, nauke i umjetnosti, obrazovanja i dr. a čijom će se realizacijom doprinijeti daljem društveno - ekonomskom razvoju lokalne zajednice;
- materijalna podrška projektima vezanim za izgradnju novih i sanaciju postojećih objekata koji imaju svoju važnost za datu lokalnu zajednicu;
- svi ostali programi i projekti koji bi imali značajnu ulogu u ostvarivanju javnog interesa u određenoj oblasti.

II. KRITERIJI ZA DODJELU SREDSTAVA

Član 4. (Kriteriji vrednovanja)

Da bi se mogla dobiti sredstva planirana na ekonomskom kodu 6141 Tekući transferi drugim nivoima vlasti i fondovima potrebno je da budu ispunjeni opći i posebni kriteriji.



(1) Opći kriterij :

Opći kriteriji koje moraju ispunjavati organi drugih nivoa vlasti da bi mogli dobiti ova sredstva su:

- 1) Rješenje o registraciji u skladu sa zakonima bilo kojeg nivoa vlasti u Bosni i Hercegovini;
- 2) Uvjerenje o poreskoj registraciji (identifikacioni broj);
- 3) Kopija ugovora s bankom o otvaranju transakcijskog računa;
- 4) Detaljno obrazloženje programa ili projekta za koji se traži finansiranje, odnosno potrebe za realiziranjem istog;
- 5) Realizacija projekta od interesa za društvenu zajednicu nižeg nivoa vlasti;

(2) Posebni kriterij :

2.1. Projekat / Program utiče na društveno - ekonomski razvoj društvene zajednice nižeg nivoa vlasti i javnih ustanova, a vezan je za realizaciju: unapređenja zdravstvene zaštite u lokalnim zajednicama, realizaciju kulturnih, sportskih, vjerskih manifestacija, takmičenja i izložbe vezano za razna područja obrazovanja, nauke i umjetnosti; projekti vezani za izgradnju novih ili sanaciju postojećih objekata, a koji su od važnosti za datu lokalnu zajednicu;

III NAČIN DODJELE SREDSTAVA

Član 5.

(Dodjela sredstava)

Predviđena sredstva će se dijeliti po pojedinačnim Odlukama potpredsjednika Federacije BiH, a shodno apliciranim zahtjevima koje će Komisija, formirana od strane potpredsjednika Federacije BiH, ocijeniti obzirom na to da li su ispunjeni uslovi iz člana 4. stav (1) i (2).

Član 6.

(Potrebna dokumentacija)

1. Zahtjev za dodjelu novčanih sredstava iz „Tekućih transfera drugim nivoima vlasti i fondovima“ za 2025. godinu dostavlja se Kabinetu potpredsjednika Federacije BiH – 1102.

2. U zahtjevima se navode namjene i ciljevi za koje se traže sredstva iz „Tekućih transfera drugim nivoima vlasti i fondovima“ za 2025. godinu.

3. Podnosilac zahtjeva za dodjelu sredstava, dužan je, uz zahtjev dostaviti sljedeću dokumentaciju koja služi kao dokaz ispunjavanja općih uslova:

- 1) Uvjerenje o poreskoj registraciji;
- 2) Kopija ugovora s bankom o otvaranju transakcijskog računa;
- 3) Detaljan program ili projekat za koji se traži finansiranje;

4. Poseban kriterij će se dokazivati u samom zahtjevu obrazloženjem zahtjeva i obrazloženjem njegove namjene, dostavljanjem Projekata /Programa sa predmjerom/predračunom radova, ukoliko postoji.



Potpredsjednik

Vice President

Član 7.

(Imenovanje i zadaci Komisije)

Potpredsjednik Federacije BiH rješenjem imenuje Komisiju za razmatranje primljenih zahtjeva po osnovu „Tekući transferi nižim nivoima vlasti i fondovima“ za 2025. godinu.

Zadatak Komisije je da razmotri zaprimljene zahtjeve, utvrdi ispunjavanje općih Kriterija za svaki pojedinačni prispjeli zahtjev, sačini Izvještaj i dostavi potpredsjedniku na odobrenje.

Nakon dostavljenog i odobrenog Izvještaja potpredsjednik FBiH donosi Odluku o dodjeli tekućeg transfera podnosiocima zahtjeva koji su ispunili uslove.

Komisija zadržava pravo da provjeri tačnost podataka navedenih u zahtjevu, te ukoliko su navedeni podaci netačni, zahtjev odbaci.

Komisija neće razmatrati nepotpune prijave.

Član 8.

(Podnošenje izvještaja)

Korisnici sredstava iz člana 1. ove Odluke dužni su Kabinetu potpredsjednika Federacije BiH dostaviti izvještaj o namjenskom utrošku sredstava u roku od 6 mjeseci po prijemu novčanih sredstava.

IV. PRIJELAZNE I ZAVRŠNE ODREDBE

Član 9.

(Stupanje na snagu)

Ova Odluka stupa na snagu danom donošenja.



Broj: 02-11-5-80-01/25

Datum: 07.02.2025.

Dostaviti:

- Odjelu za opće, zajedničke i finansijske poslove
- ☺ Arhivi

